

Europako tokiko gobernuak erakutsi nahi dute aldaketa globalek tokiko ekintzetan dutela oinarria, eta beren herritarrak inplikatu nahi dituzte!

Atarikoak

2016an, Europako zenbait hirik eta eskualdek eta horietan diharduten elkarteek urtean 2 asteko kanpaina bat elkarrekin antolatzea erabaki zuten, elkartasun globalaren eta garapen iraunkorraren aldeko konpromisoan sakontzeko eta Europaren berezko balio diren demokrazia, aniztasuna eta elkartasuna sustatzeko: **horrela jaio ziren tokiko elkartasunaren Europako egunak (European Days of Local Solidarity, EDLS)!**

Europako herri, hiri eta eskualdeek funtsezko eginkizuna dute tokiko garapen iraunkorraren sustatzaile gisa, hala etxean nola atzerrian. Hain zuzen ere, Nazio Batuen 2030 Agendak ezarritako Garapen Iraunkorraren 17 helburuek zuzeneko eragina dute tokiko eta eskualdeko gobernuen politika-eremuetan.

Hiriek eta eskualdeek herritarrak informatu eta herritartasun aktiboago eta arduratsuago baten alde mobilizatu behar dituzte, abiapuntu gisa harturik garapen globala gure eguneroko ekintza bakoitzean hasten dela.

3 helburu

- Herritarrak elkartasun globalaz informatuz eta horren alde mobilizatuz **herritartasun aktiboaren tokiko eragile diren Europako hiri eta eskualdeei babesa ematea.**
- Kontzientziazio-lanetan eta elkartasun globalaren alde aktiboak diren **Europako hiri eta eskualdeen arteko elkarlana sendotzea.**
- Munduko hiri eta eskualdeen arteko kooperazioa eta **jakintza-trukea sustatzea** (kooperazio deszentralizatua), guztion garapen iraunkor eraginkorra bultzatzeko.

Gure ikuspegia

Guk, EDLSn parte hartzen ari garen Europako tokiko gobernuok, elkartasun globalaren alde konprometituta dagoen tokiko Europa indartsuago batean sinesten dugu!

- **Europa demokratikoago, inklusiboago eta indartsuago bat defendatzen dugu, herritarrengandik gertuago egongo dena** eta elkartasun globalaren aldeko konpromiso sendoa izango duena.
- **Munduko tokiko gobernuen arteko elkartasuna irmo babesten dugu**, bazkideen arteko erantzunkidetasunean, errespetuan, elkarrekikotasunean eta, karitatea baztertuz, titulartasun partekatuan oinarritutako hartu-eman bat sortzeko aukera gisa.
- Guztiontzako **garapen iraunkorra nahi badugu, sinetsita gaude funtsezkoa dela herritar informatuak eta mobilizatuak izatea.**

Gure balioak eta printzipioak

- **Europaren berezko** balio diren demokrazia, askatasuna, elkartasuna, giza eskubideak eta aukera-berdintasuna.
- **Lankidetzaren printzipioa**, agintari publikoen, arlo akademikoaren, sektore pribatuaren, gizarte zibileko erakundeen, komunitate kulturalen eta abarren artean.
- **Tokiko autogobernantzaren printzipioa**, planteamendu demokratiko, bidezko eta eraginkor batean oinarritua.
- **Aniztasunaren eta inklusioaren printzipioa**, Europako herri, hiri eta eskualde guztietan garapenaren eta elkartasunaren inguruan dauden iritzi eta ikuspegi guztiei ahotza emanez.
- **Elkartasun globalaren inguruko diskurtso positibo eta baikorra**, irudi triste eta errukarriak bazter utziz eta iraunkorrak diren konponbide arrakastatsu eta eraikitzaileetan arreta jarritz.

Bat egin gurekin!

Handi, txiki, ertain, landako, hiriko, zahar zein berri, EDLSk beso-zabalik hartzen ditu elkartasun globala **sustatzeko gogoz** dauden eta Europako haien kidekoekin hartu-eman izan nahi duten hiri eta eskualde guztiak.

EDLSk dei egiten die, halaber, pobrezia desagerrarazteko eta garapen iraunkorra bultzatzeko konpromisoa hartu duten **Europako herritarrei eta tokiko eragileei –gizarte zibileko elkarteak, unibertsitateak eta sektore pribatuko ordezkariak, besteak beste–**, beren hiriko udalekin edo eskualdeko erakundeekin bat egin dezaten, guztion ahaleginak biltzeko.

1. Irakurri gutuna eta zure atxikimendua agertu, eta kontaktatu gurekin platforma@ccre-cemr.org
2. Antolatu zure EDLS jarduera 2017ko azaroaren 10tik 24ra bitarte!
3. Erabili **#localsolidaritydays** hashtag-a zure jarduera hasi aurretik eta hura egin bitartean.